



Na osnovu člana 22 Statuta Brčko distrikta Bosne i Hercegovine - prečišćeni tekst („Službeni glasnik Brčko distrikta Bosne i Hercegovine“, broj 2/10) Skupština Brčko distrikta Bosne i Hercegovine, na 8. redovnoj sjednici održanoj 9. aprila 2025. godine, usvaja

ZAKON O IZMJENAMA I DOPUNI ZAKONA O STEČAJU

Član 1

U Zakonu o stečaju („Službeni glasnik Brčko distrikta Bosne i Hercegovine“, br.: 16/19, 29/20 i 16/22), u članu 23 stav 7 mijenja se i glasi:

„(7) Vijeće iz stava 6 ovog člana dužno je da odluči o žalbi po hitnom postupku.“

Član 2

U članu 24 stav 4 mijenja se i glasi:

„(4) Revizijsko vijeće iz stava 3 ovog člana dužno je da odluku o reviziji donese po hitnom postupku.“

Član 3

U članu 71 stavu 1 riječi: „kod suda“ se brišu.

U stavu 2 tačka f) mijenja se i glasi:

„f) da nije osuđivan za krivična djela: protiv čovječnosti i vrijednosti zaštićenih međunarodnim pravom, protiv spolne slobode i morala, protiv javnog reda i pravnog prometa, protiv podmićivanja, protiv službene i druge odgovorne funkcije, protiv pravosuđa, protiv privrede, poslovanja i sigurnosti platnog prometa i krivična djela iz oblasti poreza.“

Stav 3 mijenja se i glasi:

„(3) Polaganje stručnog ispita za stečajnog upravnika vrši se pred Pravosudnom komisijom ili pred nadležnim entitetskim organima.“

Iza stava 3 dodaju se novi stavovi 4, 5 i 6 koji glase:

„(4) Polaganje stručnog ispita za stečajnog upravnika vrši se na osnovu javnog poziva.

(5) Javni poziv se objavljuje u Službenom glasniku Brčko distrikta BiH i na internet stranici Pravosudne komisije.

(6) Program stručnog ispita za stečajnog upravnika, način njegovog polaganja, kao i način stručnog usavršavanja stečajnih upravnika propisuje se pravilnikom koji donosi Pravosudna komisija.“

Dosadašnji stav 4 postaje stav 7.

Član 4

U članu 72 stav 2 mijenja se i glasi:

„(2) Lice koje se nalazi na Listi stečajnih upravnika briše se s Liste stečajnih upravnika:

- a) na lični zahtjev,
- b) nakon prijema dva pravosnažna rješenja o razrješenju stečajnog upravnika iz člana 80 stava 4 ovog zakona,
- c) ukoliko je prestao jedan od uslova za imenovanje stečajnog upravnika propisan odredbom člana 71 stava 2 ovog zakona,
- c) u slučaju smrti stečajnog upravnika.

Dosadašnji stav 3 se briše.

Stavovi 4, 5 i 6 postaju stavovi 3, 4 i 5.

Član 5

U članu 80 stavu 5, umjesto tačke e) treba da stoji tačka f).

Član 6

Ovaj zakon stupa na snagu osmog dana od dana objavljivanja u Službenom glasniku Brčko distrikta BiH.

Broj: 01-02-564/25
Brčko, 9. 4. 2025. godine

PREDSJEDNIK
SKUPŠTINE BRČKO DISTRIKTA BiH
Damir Bulčević, dipl. oec.